

集部

欽定四庫全書題志齊集卷九

集部

詳校官編修臣曹 城

中書臣劉源溥覆勘

校對官中書臣吳甸華 覆校官中書臣朱 腾録監生 臣沈 偀 鈴

大三日豆 ハスラ 恩問里傳觀於逢盛典誠千齡之奇遇豈一己之私茶 **新州州东州农村**市 高級 衛發物器 **拉出門開始和第** 恐精首頻首伏言聖慈軫念特降 THE PROPERTY OF 遊志衛集 堂三大字及髹漆几玉鳩 學士臣董倫伏以七月 方孝孺 撰 蒼頭白髮越萬里而來歸金馬玉堂想十年之如昨入 臣久陪於硯席憐臣遠寓於夷蠻踐祚之初馳書以召 道自分無用於當時幸蒙高皇帝之知忝拜左春坊之 中之語以武王崇德報功為心能自得師與人為善念 學匪經綸功虧啓沃切觀聖道之淵懿皆由齊性之高 命任臣以两宫輔導之職稱臣為三葉帝王之師自愧 伏念臣素無閥閱功勞兼乏智能才藝徒知篤信於古 明豈有消塵可裨海岳恭遇皇帝陛下傳大舜精一執

金月口月有量

名以怡老朝署跨其祭幸縉紳嘆此遭逢惟漢顯宗稱 官華衣每裁於天府罷柴兼至慚懼已深豈意宸眷益 義推養老之心既俱正席於詞林復令伴食於宗伯錫 承顧問喜動聖顏出侍班行驚非昔侣陛下存求舊之 不聞有宸翰之賜晏殊題舊學於神道而不見有几杖 能養老追宋仁廟亦克尊賢然桓崇設儿杖於太常而 加禮文彌盛聚几玉杖法古制之多儀奎畫雲章錫佳 以田土欲使之富頌之第宅又遺以安吉酒時出於大 次三四百人生 遊志齊集

·壹則當思四海或有幾餘之民,先几以安身則當念 私此於聖德之增光直獨臣門之多幸自今持杖以戒 之頒在於昔賢猶難兼乎具美愧兹老朽乃得荷乎鴻 金り口がた 繼忠嘉謀嘉猷敢不以時而入告聖明聖壽願祝與天 物或有失所之嘆至於膽心畫之優禮永誓教子孫以 以聞洪武某年某月某日 而長存臣無任瞻天仰聖荷德感恩之至謹奉表陳謝 上蜀府箋

賢君之於臣愛之而欲其久生故侍之亦無所不至或 聖賢之訓性質迂緩素無應世之長辭語拙珠又乏匡 學以言乎窮理則未達天人之原以言乎力行則僅守 之達尊故斯禮為無窮之盛事臣以駕下之才朴陋之 將仕佐郎漢中府儒學教授臣方孝孺誠惶誠恐頓首 以珍羞養其氣體或以樂石輔其衰羸益其人皆當世 上言私奉思言特頒名劑禮超望表塊發喜中臣聞古

次色四年之馬

遊志衛集

君之術徒以粗當講道從事求仁欲寡過而未能豈希

食愧無補於終毫甘略醇醪感親調於七節方念報恩 君子猥加優禮待以温顏進對不名從容侍坐華衣美 謂臣趨時之技錐不踰於常流而行已之方竊受教於 | 覽不忘六經並治而萬理洞燭虚心典學篤志親賢既 賢之敢望兹蓋恭遇殿下居真王之位禀將聖之資言 之無所豈知賜樂之薦加味本和平元氣無傷而有益 得濟南之伏生復思天下之善士旁諮文獻速及庸愚 行政事無愧古人被服造次必於儒者五行俱下而一

之誠 於發言壽域正開永賴生成之造此身未老敢忘忠孝 伏以臣於今世儒者中學術才藝最為廷拙受恩受獎 職業有程瞻戀徒切志欲留而懼乎茍禄愛過厚而難 衰係斯文之命脉顧推博施之德咸歸樂育之仁顧臣 遠之效自慶病軀之家福必有痊復之期惟賢者之盛 功存變理外患不伐而自除譬諸善人之為邦常收久 上蜀府啟

次定四車全書

遊志衛集

惨惨之誠以是不敢自遂錐京師藩輔均為國事奉朝 善政以效愚忠四月九日忽天府移文以同考試見徴 意得備負校文因瞻拜左右誦聖哲之遗言考帝王之 最為深厚每思遭逢之難惟恐無以為報幸屬大比自 廷之命而弗敢辭固殿下之所嘉然臣大馬私情不能 與依准文狀去乾至二十一日四川公文及使者始至 且謂已嘗啓聞儲王不許厭遠就近辭音與切本府已 自釋者良以恩獎之隆思報無所欲重瞻親清光而未 卷九 高者莫及馬地不自以為厚也而凡物之厚者莫尚馬 與後嗣盛而人才多皆所固有而不待臣之祝矣臣將 以殿下之盛德聞于西裔而高出前古其於壽考福禄 以合乎天偶為受福之基蓋舎此無以致其忠愛也夫 報難古之人臣受賜於君而無以報非願之壽考福禄 果也然臣聞受衆人之惠者為報易受人君之恩者為 何以為言哉然臣又聞之天不自以為高也而凡物之 則願其賢才之衆消嗣之昌以此未足則又願其脩德

たとり見という

-

避志發集

賢是以若是巍巍也以殿下之德之美而加之緝熙不 未至不以過今之人為足而以未及昔之大聖大賢為 臣無似願益以古之聖賢自望不計其所至日求其所 息之功今天下之學士君子烏足窺餘光而承下風哉 未足致察於喜怒之微致謹於嗜好之萌受逆耳之言 道未之見者文王也以不知異倫攸叙而訪諸人者武 聖賢惟不自以為聖賢也故衆庶莫能比德馬自謂望 王也受人之搬言者周公也斯數聖賢者惟不自知其

金グログノラー

次足の事と与 郭千户至傳奉教命作文祭忠武侯謹已撰就第以京 願而欲進獻以報恩與者莫踰於此也伏惟原其情宥 為難能之行便後世稱聖賢者必取則馬此臣之所祝 文籍散漫欲其料理數日且録臣舊日所注武王戒書 林祇承召命得與相見足慰桑梓之思縁臣起行書室 兆生催促上道弗能陪觀盛禮為斬負耳林异久處山 其不即趨命之罪念其愚忠而特賜釆納不勝大願 遊志齊集

景字為師字似為盡美恭候裁擇道山書院記一首繞 以成人造化生成之德無以踰此但臣祖字曰景賜易 中教的愈單守視書室實望外之思愈等蒙製名字期 評論宋事宋史要言一册自太祖至哲宗尚未完不敢 及宗儀十篇以進故遲留旬日昇此來攜臣昔日所著 儒亦不敢有所論述蓋聖哲之門難為言非虚語也臣 寫附進詞意拙劣不足發明盛德之萬一彌增慚悚諸 上塵唇覽臣歸期未能預定如試事畢得遣昇仍至漢

受恩深隆奉建益遠無任瞻仰激切屏營之至洪武二 十九年六月二十二日 以臣甲賤迁鄙承光華受恩教之日久矣春初不幸 笅

聞伯兄即世恭蒙審慈賜號易名膊以泉幣閔恤存撫

一而足繼而有應天較文之召弗獲承命趣走殿庭

欠日日月八十二

餘三日而毛百戶至敬承教音聚然之文溢於翰墨語

遊志野集

之下以謝深恩其為愧負理宜嬪絕兹者還自京師甫

足藩輔皇家烙耀千古矣而猶不自淌假恒若不足以 居處之過随則有畢比之賜非惟免擯斥之譴抑且有 欲褒揚錐一言必紀憐芳苦而成疾則有珍劑之煩恐 科場之近事傷者耋之罕存事關風俗錐一介不遺志 理無不并包以言乎政則博施濟衆之事皆欲與舉固 望外之恩顧臣何脩而克臻此茲蓋伏遇賢王殿下東 至貴而不遺至賤以唇哲而不棄無能弗以己長短乎 不世出之資有大過人之德以言乎學而三才萬物之

青以快鬱積之思以請不即超拜之罪且得誦味緒言 中之塵觀名山以窮天下之壯炙道德之輝於仁義之 髮落饑羸遥望道山之庭如在霄漢之上尚幸仁恩垂 以求聖賢真是之歸义重有日矣無任瞻仰屏營之至 察曲賜添容俾服樂有効坐席稍温則濯大江以滌胷 彌篤者此也夙夜以思且慚且感深欲造朝以謝萬一 而今年自六月辭山南歷涉苦寒始還任所手毅臂痛 人弗以獨智責乎眾是以雖臣之愚而過受恩禮久而

次之四車全書

B

逃志齊集

洪武二十九年十二月初三日 啓

情疑惑又收去歲秋糧未畢移文請别委官十六日府 謂有瞻觀之期不意角軍軍伏頗有警報城中出兵衆 正月初四日禮生楊克禮偕林良顯至宣德且慙且感

帖至次日即行適遇張百戶自代來同到污縣是日聞

待旦未可行欲冒險前進恐怯懦億上貼唇情軫念欲 **畧陽縣被焚畧陽去沔一百餘里浮言相驚居人坐以**

恩顏臣受知最厚龍待優異茍使有益於國雖蹈難舍 姑留禮生同選漢中稍候道路平安即當趙走以謝深 次己の重という 能所業不過文墨淺事非有所裨補倘不度量招釁速 生亦何敢解每念保全固護之者不敢自輕而迁批無 止於污以待復命則地當要衝無城郭兵甲可恃以安 街戴無極引領西望悲悅交深無任瞻仰激切悚懼之 咎以傷仁慈平昔垂愛之意則獲罪彌大矣良顯家恩 至洪武三十年正月十九日 遊志衛集

金万口及人司 徳之量有以造就涵容之耳日夜循省懼不能報兹者 臣以庸猥久叨恩遇豈臣之能有過於人實賴天地之

豈敢望辱賜品題為榮多矣然被不遇時適遭世惠臣


瀕行敬衆賜詩寵餞愧感之深言何能喻正平之才臣

進曆哲固當過之卻疑之詩就乞并書於卷傳之子孫

隆尚容賡韻以謝萬一洪武三十年四月十五日

以見寵光之優渥臣敢不益思自警以副夙昔期望之

首深感唇心軫念之厚第臣才思樸訥又無未奉教命 臣恭衆遣急足党直傳示長史呈尉馬都尉謝公詩 ころうき しょう 耀以文辭也是用取古人贈言之意賦四言詩一章始 屬和故不敢次韻親親之義盖欲教人以德非將欲眩 長史詩録附進臣無任屏營感作之至洪武三十年四 禮義蓋亦有可采者馬更望特加刑正而去取之幸甚 以褒美而終於勘戒雖不敢髣髴風雅發於忠誠止乎 遊志齊集



將駕駭退避矣不侍相如之檄闢之而後廓如也夫子 封書展封得承賜喻令與駙馬都尉謝公作字說頻首 愧不敢當謹候見以謝先奉啓陳聞 之云顏平原王文憲李鄴侯之喻過情之極流汗至踵 温婉之韻於公卿貴人所須恐涉乖忤每每懶作今於 捧教如聞玉音竊念平生野性跳直為文亦多激切少 臣昨宿鹽亭乙夜急足二人至逓至前月二十八日所 避志齊集

未審可援為例否二古詩皆能摹寫物狀足為海邦出 |篇第途中勿遽絕不能住然狂奴故態未免呈露有未 色介前所謂失之此而彼得之干載同此嘆尤時之有 此文感念恩意屬望之厚不復敢辭遂留半日撰寫成 樓則中為北平都司幕僚舊與相識恐是斯人昨所撰 和風時雨之化不虛萬里行矣樓經歷未詳其人奉化 稳當處乞賜刑潤免使衆人指怪謝公承燕問傾心沐 四言詩想已徹唇覽山谷常稱妹之夫為王甥故稱舅

|多定四月全書

棄於空寂造物未易晚也鶴年數詩末章為佳但其論 至洪武三十年五月三日 鄙陋不覺閱縷伏乞赦其愚瞽幸甚無任屏營瞻望之 詩却未敢謂然也不知唇意以為何如違逐漸久畧述 用世意韓公冠顛之言可見賢者惜才之切如此妙才 笺

欽定四庫全書

美工務集

伏自奉辭南十餘日眷寵優異慚感實深報效無階膽

馳彌切敬惟親王殿下以明哲之姿居崇萬之位德足

甲陋世之見者莫肯信從天實啓之特加罷遇經進下 為之宗鸞鳳衆流之趙江海顧如臣者雖懷好道之心 東朝賜衣天地高厚曲賜成全雲漢昭回屢加褒獎許 辦屢陪觀聽之班燕席命觞親辱吐哺之禮感疾而命 而無取舉止跡野言醉憩迂不顧殺之毀譽每忘身之 得樂與人同人之所能不求其備是以羣士歆慕若飛 以濟衆而自視欲然學足以成身而日進不已已之所 而無適用之實語學術則泥古而不通語才藝則執一

欽定四庫全書 忠君不負所學雖知葵霍之私難報陽和之澤庶幾松 闔門之忠義為百世之光華恩在古而或稀事為今之 初不知芝蘭公之非嫡故以嫡言今改為謝庭之特朱 日昨郎百户至傳奉教旨寫喬嶽詩及字說敬已寫記 至洪武三十年五月初八日 柏之操不為歲寒所移臣無任感恩戀德激切屏營之 共義私自循省何以能任當克已慎行益勵夙心體國 啓 終れる職集 +=

豪两首有指讀子書雜書議論數十首題有毫髮之見 考不棄然有所未察未足為大害也公智攜得舊日文 存諸心正謂此耳至如微文碎義散見他書者固當祭 子詩傳曰特傑出之稱似為穩協字說前作與未如意 如西銘大學明白簡易道理大原大本咸具不可不常 人皆存此心天下無失所之民矣臣愚當謂人主讀書 二字關涉甚大故妄發明此義張子西銘意正如此使 今更定一篇 乞賜刑正如有燕穢仍就批下再寫兼善

他日當件録進回視少時文皆二十餘歲時作其時已 覺愧汗沾衣也以月堂已作一銘不知已做唇覽否安 老芝蘭室記甚異他作諸詩皆已觀訖因芝蘭公記識 知哉慕聖賢令四十餘矣尚與庸人無大相遠言之不 大きのしたか 一変 玄極及張廷壁送公智詩令先進呈明日當别良顯公 緇有詩足為外教增重贈蘭空詩匆匆未能扳和南洲 之精亦足窺見異才之一節矣又知金輿遊幸名利厚 智而東無任感德念違激切思企之至洪武三十年五 避志衛集



詩且承告曲折又聞清白清真疑清三君子皆折節讀 臣昨行至黄壩驛遇許指揮恭蒙賜示松筠芝蘭二公

書深見聖朝文化之盛戚畹英才之多而松筠題清白 軒詩及芝蘭公題温泉之作皆住麗有奇氣可謂競爽

之善幸又當何如哉此來唱酬必有新製宮商相宣金 也在臣聞之猶以為喜况唇情篤於親親尚重文雅為

書共二首録進乞賜改正臣無任仰德瞻馳之切洪武 譽撫心感作省已競慚敬惟親王殿下有剛健中正純 伏以恭承龍春常懷難報之恩風荷深知每耻過情之 王並奏真盛事也近作祭鄉先生文及為公智作定親 三十年五月二十九日 粹之德而加之日新有聰明睿智寬裕之才而本乎天 笺

とこりきとこう

縱以忠恕為治國之要以詩書為養心之資不見者三

遊志衛集

年聖學之增譬諸水湧而山出侍朝者两月仁政之美 幸日月之垂照借朽木以光華喜江漢之滂流霑涸魚 淵明松前之猶在孰匪陶鎔之力共推化育之仁第恩 帲幪之賜友朋携酒賀子美草堂之尚存兒女候門指 臣受才最陋執徳未弘錐有志於求仁實無能於應世 可使物阜而民康實皇家太平之基抑道統威隆之兆 之大者非疎賤之所能報而心之至者亦言語之所難 以潤澤雄辭秀句一字踰華衮之褒大節美名百口被

多分四月石書

或有效於消塵無任瞻仰激切屏管之至洪武三十年 六月十八日 宣惟當守道以立身期不負於天地庶幾責難而陳善 啓

伏自違遠旒展已踰十旬自暑而涼秋序將半雖省過

勉學之心不敢少息而欽德慕義神馳於與井之域夢

獲聞奉的時巡戎夷喜悅神人交赞福祉來同深慰瞻 結於遙瀛之署者亦未當斯須忘也毛馬二使者經過

次定四車全書

遊志衛集

非臣微瑣所能稱述報謝也謹西望看首祝干秋壽無 願此皆可以傳示千古增簡策之輝光為薦紳之盛事 顧重拜賜詩過承褒借而公智受恩深厚得遂室家之 謹級緝二首欲俟刪正未敢上卷皆書在别紙以進良 之徵亦可於此占之非持翰墨木事也有教作序及詩 任瞻仰感激屏營之至洪武三十年八月十二日 仰謝公墨竹暨詩風度英妙足為國華文明之祥太平 卷九 樂之由莫不共感曆恩作成文教之盛竊聞車駕又將 當祭之時雨適暫止偶有二行人及分司者與祭問習 謙恭安静此城中亦懼法莫有犯者居數日即去聞在 得失故也餘書未畢者續俟便上進前都御史過此甚 字恐有未當不敢自保或字義可通者存之諸本互有 臣前者奉教令携至周易傳義寫本就點校今附六册 他處又不同必有以取之耳令秋丁祭樂舞畧有可觀 進納中間差誤及落字處亦多就貼紙本行上寫其誤

改定四車全書

遊志衛集

伏自奉辭每使者至獲聞仁政之施仁聲之著軟快然 亦可以忘其勞矣下情無任瞻仰馳戀之至洪武三十 功之大念皇圖之廣使邊徽之民歡呼喜忭懷德歸仁 以喜内而朝廷外而四方臣民士卒稱揚屠德凡有所 年八月十六日 巡邊山路險峻錐川祗嶽伯奔走先後被除擁護以禦 不若恐王體不免與馬之勞然歷覽江山之北而思禹

聞未曾不舉首西望且慰且幸非有私也受恩深重異 報答惟願國家享萬年太平之福臣之無能得優游治 宗社生民慶也臣獨自忖度遭逢聖世身安食飽無由 於恒人體國之心不能自己喜天下之有賢王所以為 情所以發聖賢之淵微念皇圖之廣大夏諺所謂遊豫 為諸侯度而補其不足助其不給斯民一何幸哉雖與 足矣比者伏聞奉站巡邊歷覽江山之壯俯察民物之 化中為太平賤士歌詠頌美以與草木蟲魚共有其樂 建志新集

数定匹库全書 駕跋涉玉體不能無勞然百神扈從萬福景從固不俟 歴考載籍三代以後求其可當斯語者實難其人今乃! 子之言謂知周萬物而道濟天下故不過每洞觀宇宙 之遇陽和積陰久雨而忽覩白日之舒光也臣蚤服孔 毛總旗至敬承教首仁厚詳密西望拜受快然如禀寒 十年九月初六日 介庸愚之祝願也無任瞻仰激切屏營之至洪武三 P. 巷 ǐ

於殿下而有遇馬伏惟殿下高居玄覽而於三才庶豪 明鬼大之官室則念或有苫闔不蔽之家享康寧怡愉 纖麗則恐一夫之或寒 當珍美則思一夫之或饑 處崇 之原無不完六經犀子之說無不讀禮樂政教之古無 之福祉則虞或有疾疾無告之民康栗以眼其饑施藥 足以濟天下矣然知錐無不周而臣受照燭也特異仁 以安其軀省興作以養其力給棺櫝以厚其終可謂道 不通問巷雕畝之情無不察可謂知足以周萬物美服 经忘科集

|曹受教君子而於聖賢之大方粗有所聞者乎然而侍 子良師之樂育英才而為之謀亦不是過矣夫蟲魚蛇 情之言本所自而澤被先師之孫推其傳而恩加門人 飾之光華服食之温飽何莫非唇思之所及哉而不止 錐無不溥而臣紫寵恵也特深自頂至踵由親逮疎藩 崔於物至微於性至賤受人小恵猶懷報而不忘别臣 之室防其將然之謗弭其未萌之憂雖慈親之曲愛弱 此也未有疾也而賜以扶衰之劑未有能也而褒以過

卷 元 1

自受恩無異者盖以為細恭緣故非所以事君而圖報 者此也抑臣聞之施德而不德者聖哲之君也受恩而 之歸以負不世之遇是以每慨然遐想若有遺而不得 威鳳而不能測識其靈德以此常恐汩沒異耍為庸衆 之心如葵藿雖向太陽而不能少助於末光烏鵲雖宗 之心不能寝食忘也第身做才陋德薄能鮮縱存倦倦 奉左右口未曾發婉媚之談身未嘗為容悅之態與未 不忘者志義之臣也殿下聖哲也固不責人之報而臣

次足四軍全十三 四

遊志齊集

中者深故發之運而存之久也臣愚不肖尚當以斯言 蓋欲其君言行政事咸盡威美以膺多福也敢以此上 自勉無任激切屏營之至洪武三十年九月初十日 獻詩又有之日中心蔵之何日忘之說者謂愛之根於 也安敢忘哉周人之詩曰罄無不宜受天百禄說者謂 數十年來師弟子道廢鮮有推所得引人之事執事探 書 謝太史公

見聖賢堂序粗識脩已經世之大端僭不量力每有所 自喻某少頗自負長而無成自入執事之門然後得窺 待之踰於子姓而進之以聖賢所務此今世之所未聞 如某者亦以之于門而告以斯道思意態為無劳不倦 索古初根據仁義汲汲以誘技後輩為職雖樗朴不才 稱說聞者未深晓多相恠駭獨執事見之以為當然咨 期望深遠今於别來旬月間延領西眺戚然懷戀不能 而古或有之者也某解歸省又辱教之以言引譽過侈

次記四車人時

1

避志齊集

賞嘆息喜溢顏面某所以忘其甲賤旅寓無聊之情而 **聚人之間悶悶然無與語錐享之以八珍之味九韶之** 鈍務學之成他日萬之一有補於斯世使將來有述馬 於至愚者非私某也蓋関斯道之不振矜得其人而明 音不能安而留也執事於義則師也知已也於恩則拔 有以自樂也夫人之相與處义心相安而後可久居庸 之也某之感執事也亦豈敢致私德於執事乎竭其舊 之於恒人之中而感之也甚宜何如哉然執事之知爱 /! TIT 卷九

蓋甚久古之人家馬而長幼序鄉馬而倫理的皆由躬 次之四軍全等 家其初本於一人而今猶或有不齊者思立為輯睦之 則庶乎不負執事之所望耳是亦難言道之不行於斯 法以治其情欲為祠於冬至祀始遷祖而族人各以其 行素積見信於人而然鄙心思慕之獨自惟宗族數十 之人有善則書之而加禮稅馬有不善亦書之而加教 人皆拱而聽每月之吉一會拜畢則訓如冬至之儀族 祖祔食祭畢而會飲族之最長者以禮義陳訓舉族之 • 避志衛集

光題邑人多不知其姓名斯甚可恨欲成一書分析數 誠馬立之學以教族人之子弟為置田以食其不能生 志一力以真其成又寧海自宋羅正之以來有探道德 動問學者其在當時勵名節立行義莫不殫一世之心 者族殆可使親睦貧不足以與事人雖有聽者亦未并 タラリカノニ 後僥倖茍得之徒知公義之所存用為勸憋存乎風化 目使幽暗者胎章阨窮者昌顯嘉名積行者獲知已於 志以與發聞於後世而紀載之籍不立遂使湮廢不大

古乎哉安知古之果異於令人乎哉而某異敢讓馬近 亦有人說執事賜教之言以歐陽氏蘇氏以下見期為 將有垂於後不有合於人將有合於天安知今人之非 諸人而備而成之不易也如此况推明先正之道於天 復報此二端皆細事度其勢不甚難行其為法可不求 過某聞之不應而笑笑而黙然竟不問其主名流俗人 而朋友寡少無從得其事實雖懸切言之好事者竟未 下其可易言哉然人恒慮志不足苟有志不有遇於時

大きりき という

避志衛集

某者必以此某之報執事亦在此兒曹愚人何足以知 金牙四月五十 極豈止與諸子競錄两毫末於文藝之籍哉執事之取 生達理其次亦將整齊周公孔子之成法為來令準下 亦又何疑所兢兢者恐傷執事之明耳其妄志殆未可 其書此大儒賢人猶若此况淺間小子見前於不知者 省事者少淳于髡鄙薄孟子桓譚輕揚子雲容貌不傳 此猶當著一書據所蘊蓄補藝文之遺缺續斯道於無 遠以辭盡其大者將宏廓數揚其所傳於世俾人得樂 卷九

甚可怪君子之為貴乎得於心而有以自樂何必人之 **皆戰國人急於見售者之言和之智不足稱而伯牙亦** 其所就有時豈務流俗之合乎傳記所述卞和伯牙事 豈願信者之愛惡哉其所取則有在其所操守有常 **珮鳴玉冠進賢之冠揖讓而進大光駕駭以吹狺狺不** 見市井衣服持任而至者多即不起視使服三代之衣 之其見疑者固其理耳屈原曰邑大羣吠吠所惟也大 |此非有他也見所未當見心誠惟之而然三代被服

次之四車全書

W

避志掛集

坐静室未曾樂人談有相過問者可語語之不可語辭 則狹矣某獨有見乎古人處已之大方自待頗不薄日 子雲言後必有楊子雲必好已書其心錐不求合當世 輕而取於外之重也惟揚子雲頗解事然亦未達乎理 知使舉世之人皆非子期牙之琴將不鼓乎何自侍之 讓而已見強見善皆不及知自謂可寡過大母年雖高 世不知贵其耻在人吾何與馬茍期後世之知而著書 而終未能忘乎名也由君子言之所為果有益於世而 卷九

邑且不可况以斯文鳴斯道與為四方所仰者乎其難 人之垂令名於當世者豈易得哉蓋其才灼然有過於 明春之期不敢後時離左右遠思如曩時朝夕面言不 人欲以一技名十里之内而不得况其郡邑乎欲名郡 人而又有達者引之於前賢者楊之於後也夫問巷之 可得恃見愛見知敏吐狂談不覺繁多 而康強飲歌如六七十人侍奉粗適諸父兄足事以養 上胡先生二首 Ų

次記四年 上馬

避志齊集

也審矣然當世非難也後世為難一世非難也後之千

萬世為尤難也齊之人日賢楚之人日不賢魯之人日 可越之人日不可苟從而信之則其名傳於齊魯而不

馬耳達者一言日賢齊魯吳越之人莫敢日不賢達 并齊魯亦不能傳矣是則奚可乎蓋在乎達者之引譽 傳於楚越也齊魯誦之而楚越之人犀笑而交朝之則

者一言曰可齊魯具越之人莫敢日不可則論定而

翕然稱之矣故曰必有達者引之於前也達者之言固

心忽矣信之之心忽則謗議雜起而毀譽錯陳矣及其 當世之所信然至於後世則人忘之矣忘之則信之之 門者曰某公道德足尊也文學足法也不見之者曰是 未必然也及其門者曰某公天下之士也當世一人也! 者彌多則以為然 而信之益寡矣是則遂已乎亦在乎 不見之者曰是未必然也傳之愈久及見者益少不見

賢者揚之於後馬耳賢者一言曰某公之道德文章問

世一人耳則凡不見知者莫不信之矣曰某公吾之師 遊志齊非

IN A DO AND LINKIN

也其出言履行吾不及也則後世之人莫不尊之矣故 乎某生八歲而讀書十五而學文報為君子所過稱年 陽氏蘇氏之書而有得乎此說馬蘇氏西蜀之人也一 歐陽氏之道著於後世而愈尊豈非相資以成令名者 氏及蘇氏之道行則推之曰歐陽公今之韓愈也由是 師之人不敢望也由是蘇氏之名隱然動天下及歐陽 日望其文就試于京師歐陽公日斯人也吾之倫也京 日必有賢者揚之於後也然二者不時遇也某當讀歐

陽公也其說而見馬公以重徳居顯官為士大夫所宗 二十而東遊京師京師之人成曰内翰太史公今之歐 愈思副公言遂委質左右而不去蓋三年矣然相譽者 吾游吾於是幸有望馬某始而喜中而懼不敢當已而 執經問道者林列於外公一見而曰是生也可教其從 欠りをなる 惟公而已他人不信也及公致政歸金華某來從金華 先生吾畏而不敢友者也某又思見馬同門者相戒曰 之人又稱曰吾郡胡先生當今之巨儒也太史公亦曰 遊志衛集

寸之名於後世然富貴係乎命不可預知所可用力者 金月世月石書 賢之道上之欲推所得於人下之欲以彰明斯道著尺 先生於人未曾有所稱可得其一言之褒者誇於鄉黨 至於大者耳某何敢不勉乎某妄不自量獨有志於聖 而思之執事以道稱人者非欺某也蓋與人為善期其 吾於生有望馬嗟乎某何人而敢當執事之稱譽哉久 其不肖逮稱之日其將來未可涯也吾之門人無及也 以為崇吾子其見馬於是乎遂見於執事者執事不以

誠有不能已者因具述其私言以獻於左右不自知其 獨文辭耳而又不知其果足以至古人否是以終不能 而某也何足以報之顧惟盛德不可以不謝而區區之 有所主於心日知超向嗟乎執事之心歐陽公之心也 自信及聞太史公之言又聞執事之開許以為可樂始

欠己の事とい

遊志舞集

某端肅奉書長山先生執事世有授人千金而不得其

一笑之報者亦有假人以片言而使人終身不忘者豈

流於狂感也雖然執事知我者豈以斯言為狂也哉

能假片言之譽使人改容而加禮拔之污穢之中而措 聲色可以適其心與馬玉帛足以適其身實客之陳就 片言誠貴於千金哉顧施之何如耳人當富足榮威時 **衆庶名未能以信朋友心劳而跡下志鬱而道窮見哇** 於庸夫鄙人说首抑氣誰復與語當此之時有一人馬 耳其心弗以為恩也惟夫貧困賤辱之士勢未足以動 顧交者之譽頌溢耳而盈目錐與之千金亦以為宜然 諸君子之列其心感激奮發錐千金之惠豈能過哉古

金芡匹尼 刍詈

周乎事毅年之前旅遊京師為齒甚少為勢甚孤京師 於其間獨幸而有遇馬某眇爾之小子學未聞道才未 多然乎上是以下有不遇之嘆而上無樂善之名而某 者之譽上之心在乎彰善下之心在乎報德亦理當然 者亦多有之蓋施者非以是結人之思報者非私於施 之士莫不易之翰林太史公獨見許以為奇士及從公 爾近世風俗則不如古達於上者多思乎下屈乎下者 今俊傑用此道得名於世者不可勝數而士之知所報

欠とり見しまう

遊志辭集

大有以澤諸人小有以善其身報德之心爲敢忘也然 所許其殆有可勉者乎誠若執事之言勉而獲至於道 也雖然執事之於人無所濫稱太史公之於人不妄有 之心古俊傑待士之心也而某豈其人哉無可稱之實 必有問問者以以執事告之為言於乎執事與太史公! 來此拜此邦之人未有見許於太史公也執事一見之 而受過實之稱此某之所為懷然懼而但然不自寧者 **輙轉告于人以為可以無愧予公之心既而人之見者**

金好四月全書

執事不期人之報也人之感執事者不望執事之知也 誠發乎中不知其形於言也兵戈之餘斯道不振人才 欽定四庫全書 執事自知稱之爲傷有樓恕希仁年長於誠夫而僕與 知其不期人之報與不侍言而明而猶為執事言之者 能從事於此鄭氏以才稱者有叔度之弟曰常曰相皆 之相上下王翰林之子曰紳有妻之姪曰俞恂皆好學 之難莫甚於斯時此邦之秀者東陽有葛信誠夫其文 能文此數子皆執事所宜收攬而教之假片言而稱之 M ととなり **手**

某之愚者尚多有之益可為斯道喜而其人之知所報 者也成均之中技於四五百人之上者有天台郭濟士 師友遐棄忽踰六年緒言閱論久絕心耳勝遊歡會無 來學於執事樂善之為故欲為執事言馬使執事知若 淵林佑公輔二子之文太史公稱之其文具見錐不得 凡某之告於執事者望以告馬 與否不在執事也編修蘇先生待某甚厚樂善亦甚至 與蘇先生二首

遺諸文讀之以自釋或見之賦詠以自遣然此心鬱鬱 飲定四庫全書 去錐近相慕錐勞而未獲以一書候左右者此也孝孺 與客鮮與世接若戴盆而居獨不能窺其所至是以相 光華所燭譬之列宿在天物無不覩而鄙昧之蹤藏伏 |愛之隆屬望之速哉執事以斯文承諸公後為時宗儒 誦心思夙昔之好乖潤之情綢繆忳厚宛然在目何眷 復曩時每一與懷軟俯首搏開情不能已時取舊所既 終不可開鮮昨偶得黃嚴林君寄至手書發封伸紙口 **N** 進志衛集

索其中實無可恃者平居好議古今稱就政教不自愧 棄去讀周易頗厭近時傳註家繁複附會欲為枝辭十 近亦欲鍼砭攻治去所甚病求古聖賢所用心者而學 無所能解特以當出太史公門人認為當世所推然揣 餘卷發聖賢君子大意使人不感於眾多紛紜之論歷 之而資性庸弱不見有成兼自去冬以來得病疾彌年 耻及涉世日久年齒日長大追覽前作深自悔其不然 不愈寒暑稍問憑几展卷欲有所求索頭目眊眩軟後

|欽定四庫全書 棄民哉故亦粗欲有以自見於後世而不知其果可望 譽之且欲屬之以斯文之重嗟乎自斯文之傳以此事 乎否也執事前時相與頗不溥今乃不閔其無成而徒 塞宣爪牙之用茍徒顏然而居充然而食豈非天地之 志者絕少卒卒未見功緒自惟幸為明時寬假得安一 時已久而未能成書他欲論述者非一事地解無書同 屋於畝或致飲水以自肆上之不能出奇策為生民 國家輔無窮之業下之不足與荷殳執我捍封疆清徼 爽 遊志衛集

棄以從事乎此則不敢辭尚謂可以當斯文之傳廣天 子事行因得附末簡以傳甚幸甚幸蒙索陋作近時甚 恨無由趨走一見以盡所欲言高文知己募傳行世先 事名塞海内而飲其教於一州創造設施必異於流俗 其寥寥也而孝孺馬敢以為已任乎若曰不敢自怠自 自任者幾何人而數千載中可以名稱字舉者若是乎 不多下筆又無力親寫託朋友寫數篇去殊不足觀病 下速來世必自有其人而非孝孺之所敢與也伏惟執

意未曾不在倭華山水間也天下山川可翫者多而可 溪上從游樂甚於人不忘自歸田廬取倡和之什觀之 清絕士子亦有可語者乎病中不能見林君同遊之約 未獲承命有便時惠書問不宣 無人振起之故雖有高識英才不免湮沒耳括蒼山水 人相從其中極有可喜者乃知此事在人不曾泯滅但 中作詩数首久欲奉寄今亦不暇書近時鄉里畧有數

次定四軍全書

遊志衛集

Ť

喜者少天下之士鄙陋者多瞬者少人之所遇於事者

恒理得之於心不必形諸言可以言傳者乃其粗者非 多遊乎物外者少瞬 勝與所遊者相頡頏於編翰間以此愧古人耳然事物 離憂慮盈心翹首縱目雖暫為披豁而竟不能攬損奇 摊疊出爛岩霞錦東南之奇觀也乃知靈運表 適事累心不果道出則中行崇山絕壑間煙姿霧氣環 之遊乎某獨將為關非 者良有所為恨不得與執事同知其時始與親友别 **脚也那前後浦江欲奉書為别** 聚而兼有之者其溪上

事其謂之何乖離久思奉談笑而不可得文辭左異於 其至精也彼你特妙麗顧已得之於胸中豈不勝邪執 况相去未甚遠其就大章為世文人學士日諄諄尊之 得生於其時與聞其盛然固有言可徵不害為猶與者 講切者近借到程氏遺書覽師弟子問答慨然與數不 以路豈能終無所聞哉以知生於後未必不速古顧自

欧定四車全書

遊志野集

至淳美其言猶以為憂況於今相絕萬萬哉為士者幸

力如何耳然當程子時賢者比肩出風俗雖未迨古亦

非無位者所能致鼓斯世之人慕學之道非吾儒職之 固宜也鄉邦習變非非薄所能卒改居開少出入慎言 不與賤辱事惟道術明晦風俗盛衰之所宜知者風俗 成人者惟太史公某曾謂太史公此心可為百世師真 得数十人因斯文而進之於道無可望予當今汲汲於 禀粹可語信然近再見思幸教之人才難得如此比者 語自治已外庸服及人往時曾與執事言趙氏兄弟資 而誰乎發之俗猶有可化識義理者頗不少執事為之

次遺事以傳私心喜慰繼以感泣旋聞從者較文關中 去年得叔度書已知執事念太史潛溪公之德欲為論 心至意非言可既執事必能察之原多闕誤 非誣也天向寒懷人益深遣童子行畧陳所當語者苦 於天下者如孔子孟子身沒而言在者若無待於人之 不知歸期何時而某即病山中無繇遇括蒼路使欲致 一書達所欲言至今未果自古聖賢君子道德言行信

飲定四車全書

进志斯集

傳然由門人非圖其傳也後世史官無所憑信往往勒

章自足以傳而有輕視天下之意故天下之人得持此 有所論者以發其蘊蓄亦若不待人言而後信矣然雄 疑非出於通之手若是者使其門人有所述以紀是非 做而為之通書稱隋唐大臣皆其弟子識者謂多誤妄 以作美新媚茶受訾于世或者謂非雄所著殆後人依 書者至今以為恨其次若揚雄王通俱號一世大儒成 取異聞佐說以實其事或不知其姓字壽年之真讀其 之實寧有紛紛異論哉惟其當時以為吾師之德行文

宗孔孟以為學高視雄通而有餘其者書其制行其事 賢君子為無待於人之言不亦大過矣乎吾太史公遠 其行度徐疾盈虚之数猶必俟人紀之而後定彼以聖 遺失而議之鳴乎天地之大日月之明無所資於人而 君行道固己暴於四方而信於當時傳於蠻夷之國而

次定四車全勢

遊志新集

卒於異鄉倘不得有道而能言者白其本心告之萬世

矣第其末年遭罹飛語一子一孫死於禍而家遷身故

誦於縉紳當世雖未有發明之者亦無害其不朽也決

是非而不感於流俗一時之私意大者辯其誣於史策 生不得訴冤於朝殁不得返些於里者不可勝計然其 水公遭姦黨之名其他擀於險設之人污於朋黨之論 曖昧之謗人將憾之非特忠賢受抑於無窮且俾聖朝 心跡卒光明於後世者賴有明士端人斷以天下之公 語被刑蔡邕以慨嘆受戮近則程叔子有貪點之謗凍 干載之間士之紫証受莊者何限遠則司馬子長以言 有知人未明之損豈細故哉宜乎執事有意於圖之也

也父不可欺天不可怨順受之而已矣每論古人遇貶 已任於公之事而不有述馬何以解後人之疑正流俗 望於執事者甚厚且執事曾官太史而以論誤之作為 白己也忠義自信而且當為人言事君猶事父與事天 之失而慰公之神靈於地下哉雖然公之心不期人之 公同道於公有師友之義而公之自朝退休於家也屬 而愈光以有人發揚於後也令執事居與公同鄉學與 小者表阡銘墓以示將來是以士有就死而不恨挫抑

飲定四車全

遊志衛集

Ē

端坐而近此其心豈以世之榮辱介意哉其信乎已者 而某之有求於執事而欲圖公之傳者非為公計也為 受其患尚無怨尤而於事行之白不白也復何較馬然 臣之義其素所存者如此及乎臨大故遭大禍視子孫 窜而怨誹及為文過於憤激者深已簿之以為不達君 且譽若推之以為髙也抑之以為甲也安之而已矣身 可以質之幽明而無作考諸聖賢而不愧其於人之謗 之死夷然不少見顏面竄逐之至若返其鄉次於江塘

文鳥可己哉自公之亡天下無師後生小子自以為高 欽定四庫全書 東南惟執事及徐教授耳徐公之文簡質典重有渾然 肖固有定論文章之萬下亦然近時作者漸以稀潤在 誦公之文尊公之德而欲盡知其平生之計也是則斯 太史公論斯事過辱特見許與而前輩三數公復從而 之氣然推膽暢急言極論而不竭者實惟執事某往與 固自岩竊亦見其不量力而徒為爾曉晚也人之賢不 而議公者多矣然徐而視之如蚊蚋之羣忽已消而公 基之新集

宣正學上報國家下慰相知者之望心所欲言者無踰 聖賢而傳之萬世此鄙陋之志而亦太史公夙告期望 推獎之然七八年來痛自推斥向時之可今索然盡矣 於此而當今可告以此言者惟執事耳故卒一言之 之意也執事可無以教我乎士氣日甲學術日趨於污 人持所業殊與相見時異惟以體乎身見乎事有補乎 下某病廢無即無足負荷斯事矣惟執事善自謀以大 上范先生

欽定四庫全書 得馬則關吾樹藝之力天與斯人以莫少關望之治闕 者不絕而百年間世或得一大賢脩周公孔子之道以 **地之灾其望之深遠也如此斯人也不足以任斯任也** 使不失所上欲其無薄蝕乖紊之憂下欲其無崩損潰 人也關於斯人也藝黍而資其食樹麻而資其衣有不 起人崇之者恒有之而聖人數千載不復見天之生斯 遇之也必詳衆人盈天下而一國一鄉或得一善士學 天之於人生之也難則屬望之也必遠望之也遠則待 遊志衛集

載之久而生斯人斯人不思為之立數千百載經繁緝 言使之平通四海九州之内欲各不違其生而復其性 哉以家之不豐不給其子無以養為患者聚人也剛 乎千萬世而欲因吾身使之明後乎千萬世而欲因吾 則已知其真足以為聖賢君子其自視其身宜若之何 子不敢斯須自逸其身而惟不負天之意天以數千百 斯吾之所當為而亦天之任我之意也故古之聖賢君

寧之法而惟苟且因循之計其得罪於天也甚矣天其

復百年而得朱子此數聖賢於天之所屬任者可謂無 能貸之耶此與天命信乎不可不畏也自孔子沒百餘 所能為則明道而傳諸人以淑後世大賢君子之職也 其自視天之生之之不易其為天下者宜亦不敢緩也 所負矣夫聖人今之有無不可知安知世無大賢君子 年而得孟子又千四百年而得周子程子二子之後又 天下之當為者未可遽盡而遂萬物位天地非無位者

飲定四車全書

·避志縣集

道之不明莫甚於今談性命則或入乎玄密而不能措

乎道之大端脩己治人二者而己率乎性命之理所以 於事功則聖人復出將何施乎聖人所謂道非若異端 無滅而至於今茍或去此而不為則人理糜爛久矣今 脩已而為治人之本也察乎禮樂政教之具所以治 世治民之術則冥昧而莫知所為內幾何而不禍天下 天下叠叠然皆將以道德為虛器雖儒者亦自謂無與 而推脩已之餘也古以有此二者也故生民之類頼以 之行事攻文解則或離乎實德而滞於記問扣之以輔

賢人君子之所當深畏而熟思者也執事其少垂意乎 執事身為布衣而州里以為師為人師而容貌謙慎而 體為仁義其用以為治天下法行則服乎人傳則寓乎 歸獨無望乎由今而求之賢者君子於世未可知也越 而不關之以窺威德之所然當世之稱賢人君子者必 不居智足以知天命而不過乎幽遠文辭可以述己志 文而豈徒播口舌悅耳目而已哉 闕不幸而至於斯固

邪就足以誑惑斯世其統為道德其散為三綱二紀其

钦定四車全書

1

遊志齊集

博而自期也大取善博故於人無所不從自期大故於 者未知其誰也豈世無賢者乎抑有之而未知之耶謂 言遺教可以範世關向者履執事之庭而問馬嗣是道 數世求之而始有 馬亦未可知也孔子不以有顏子而 潛溪先生之門人不敢後言他師然聞古人之取善也 無人而不傳者與有之而不知皆非執事所忍居也某 於天而已執事鳥可不為後世慮取古之道托之書緒 不行道孟子不以有孔子而不著書各盡其職思無負

道不以為至某不敢自擬於賢人君子而亦豈同於衆 次定四車全書 一 事不敢以斯言告也夫以某之愚而猶幸乎天况執事 為治如是而後可以育才如是而後可以不負乎天而 肖於道而予甚有憂惟恐不能副天之所期望也故夙 乎其非眾人之事也當獨自喜天之生者或有意乎不 人自七歲而至於茲十有八年入乎心而著乎思者的 夜以思謀心至道而為數百年計者甚悉如是而後可 不墜其所傳述乎某不自度其愚而私有意馬而非執 遊志齊集

昨承海及諸葛孔明及范希文司馬君實三君子事謂 職也亦道當然也豈獨某之幸耶 多明語 忽耶惟執事思天生才之不易関道術之晦而求明之 自体何者師友之道頹壞今世無後見匡教訓誘之事 **某鄙論未當於理開析明白為惠甚大獨自喜慶不能** 世之所稱自以為賢人君子者天其以不易然也而可 不負乎天之所望使小子獲有聞馬則於天意得矣此 食りで 人へき 與朱伯清長史

故敢復盡其愚古之聖賢非特能言而已其心必能該 而於身無纖毫裨益者甚聚穢惡不知其非相視相諛 競然恐抬人之跳然心有所見口竟不敢陳說名為友 士初結交以為未久不宜相督責及既久情義相智競 某倘有所取而不以告是背乎心而與世俗無以異也 其闕失顧某烏能至此哉實執事知師友之道宜然耳 行動法古人忘年降德而與重稚甲賤者講明往復救 俱至於無聞而後已此某之所深懼者也執事達理力

次 三四車全書

1

遊志衛集

聖

道固有之也自漢聖賢之學不傳通才明識之士常患 任以輔相之位而行之如取物於囊汲水於河信乎其 患備亂之方莫不精究而歷試之故問之則無不能言 天下之理其才必能周天下之事雖衙門之下布衣之 金グトアとする 以充之若孔明之佐昭烈提數州之地以抗萬全之中 無道德為之本忠厚誠信之質知其大者而患才不足 無難治乎其莫窮罰加而無敢怨位崇而無敢謗以其 列而道德性命之微仁義禮樂之要經世綏民之析樂

救敗不服神機奇畧應變百出忠義之氣磅磚字內脩 原卒能割鼎一足此立西蜀使曹氏父子睢盱駭愕而 於漢使大功不成其雄才偉斷真中世之豪也然其學 宋之號賢相者希文君實希文自少慨然有安民之心 本出於申韓故襲取劉璋教後主以刑名不無謬於王 明政教戢和人民勞之而不怨殺之而不憤惟天不祚 道某曾謂孔明有大賢之才而於道或有未聞者此也 てい ラシュートラ 君實雅身苦心以憂天下不義而奪人之國二子必有 **Q** 避志衛集 日十日

豈皆天下所賴以久安者乎君實當母后懲數之時獨 之之隆問之之切僅疏取士及革磨勘數事此數事者 朝廷亦多故以希文之然大政雖未久報去而人主待 所不為然宋仁宗之時遼夏擾於西北中國為之不寧 復而敵國横雖非人力之所能為而變更之際有可議 亦深矣然過於矯枉失於閉邪身既死而草黨作法再 負生民之望不顧世之毀惡一掃新法而復舊政其功 馬者使孔明之才當此之時必不若此而止某故謂希

卷九

時非有利民之政而其死也民俱家哭巷悲如喪親戚 乎人哉積乎心見乎色而人信之耳觀孔明當兵革之 者何哉豈謂希文當伐西夏乎堅守持重使士卒樂用 文君實有君子之心而才不速馬者此也執事以謂過 新法去民之所苦而從其欲至誠動天地大順感中外 此誠非武夫所能及比之孔明未足當也若君實之革 使其居君實之時有不若君實之得民者乎二子之才 生則仰之若父母發則哀之如骨肉是宣才之足以感 遊志齋集

とこうう ここう

一多分四月 全書 則驗諸見聞得於見聞者易習而徵諸簡册者易忘習 其不及孔明也明矣凡論往昔之事速則求諸簡册近 儒立言為世法者莫大於程子朱子程子謂孔明庶幾 之事固某之所自信而言者宜乎其有過也然近世先 馬前人以為否未敢逐否之也必加詳察馬若三君子 易而然其成敗前人以為然不敢遽以為然也必詳察 然考其言以求其心計其功以較其才視其所處之難 者其美彰忘者其美晦故常人尊近而忽遠也某則不

事為志朱子之學論之必審矣苟以務道之明不若言 禮樂而道則未盡朱子謂希文有欲為之志而未能精 欠己の巨人子 容謂君實學不本於致知而成功小其殆亦有過乎執 語訓告之詳而明先師之意使妄論私說不至於違道 教授鄉先生執事某不幸早失先人始也俯仰顧視軟 雖不更端而熙之某雖愚不敢不勉 哀不自勝既而觸物遇時軟哀既再見先人衣履書帙 寄徐教授 Ų 避志衛集 四大

者益遠矣凡見先人交友與當識先人之面者未當不 金万世屋石雪 德業竟無知者某獨痛且懼倚 廬之中忍死掇拾耳目 望其親故因循遺失卒不復書及先人處亡而先人之 質愚魯於先人之善言懿行不獲紀載又頗謂先人壽 亡前之十年幼且愚也未有知後之十年宜有知而性 趨而拜之泣而問之以先人之事蓋某年二十而先人 軟愴然而悲及除服而居思先人之聲容辭氣存乎目 年未衰當自有所論者又念古之君子不敢預以凶事

無窮之悲然先人之善諸孤之所不知而遺失者蓋多 諸遺文近而宗族遠而鄉里之人無所不假各報其暴 多不能言雖知而無從教之此某所以願請於執事也 矣是以詢於先人之友而先友之存者甚寡縱有存又 行政事甚熟故不拒而為銘且盛有稱予雖少足以塞 伏惟執事於先人為鄉郡而有久故文章言語足以傳 而請銘于太史公公在翰林時當聞四方人就先人學

所見聞者即書之至於十年以前之事則詢諸父兄杀

とこうほんこう

E

遊志癬集

金好四月石書 者之所汲汲也執事不遺而有述馬豈特先人之幸哉 學者無所取則楊先人之善而使學者知所效則有志 諸心則明白坦夷而不見有纖毫之闕徵諸身則端嚴 信於人則先人之道德隱沒而未盡著者不望於執事 古賢者何如耳今鄉里之中善人君子日以淪亡後生 人之善則快然如已出較之於世誠不多見且不知於 重厚可以鎮俗而化民見一物失所則戚然以為憂聞 而誰望哉先人道德之與某至愚雖不足以周知然考 卷九

先人之亡宗族老人皆懲前事勸其報業某重歎先人 某少不通於諸事惟於學問常若有陰督而點相之者 台以先人之故而憐之發之并有以教之使得以承先 將以有為也而未敢心其能成否故先有所請於執事 人所望哉故益刻心勵行從學於太史公鄙陋之私蓋 功名既不顯於天下尚又無人繼而揚之於來世豈先 至冬間當持指左右先公碑太史公尚欲刑正未及如命 人之緒則幸矣墓銘謹録以上近所為文廹疾不獲寫

火巴可見八百

Q

遊志衛集

金牙四月子書 與王先生

近者執事之歸孝孺以故人子謁見座下執事不鄙而

慚作不已及返里舎追惟情義之厚怛然不寧躍然恨 辭之不令棄而不達則恐意之不誠既而思之不令之! 辱之與坐且與之言所稱所望皆非庸衆人之事私竊 不獲久侍言笑率然不知形之於詩辭欲以奉寄則懼

過小不誠之失大因録以進妄意執事且笑而斥之矣 林嘉猷來乃承寵以和章辭氣深寫稱且望之也加甚

者豈非忠臣所當米撫以備顧問之及哉於書篋中檢 見賢王於藩郎凡古聖賢之格言弘訓可以神補遺闕 展讀感數問之嘉猷乃知行期已迎欲趙走拜伏於道 **德聲之萬一此固素所積蓄而亦鄙陋者之私望也他** 義忠蓋之心溢於顏面清閑之燕或可以之陳說以贊 得武王戒書一編因畧加整次納上伏惟執事抱負仁 左以盡所欲言而疾病之驅莫能自致思所以報盛意 而環顧乎家無一可者徐而自計執事此行將以職事

てこうい

進む齊係

多 安 四 库 全 書 篇先人教曰吾郡之士未有過者也某已私識之又四 十二三執事自安南還枉傳至歌詩耳聞之愈熟後四 日功成身退安車東歸孝孺當率子弟迎於河梁之 年來金華執事自睢寧回始獲拜於翰林太史公館 年先人守魯執事手筆至復獲觀之後又見他文十餘 某童時侍先生左右聞先生長者論議軌間執事名年 以道問潤具謝不敏蓋有待矣冬寒倍加崇談 與葉夷仲先生

每展卷一視軟涕泣不自勝以為先人不可見矣見先 子如此何以為憂先人不及聞斯言而卒此書尚在某 也退則又為書告先人曰他日顯吾郡者必此子也有 執事温温乎其容甚與其進也屬屬乎其言深望其成

人之友庶乎如見先人而先友之存者惟執事數人而

次定四車 在馬

悉也所守者恒古人所為不讓人人當世所知也一旦

遊志裔集

無過之地而承先人之遺業哉且先人之本末執事所

已而又阻於事弗獲拜謁床下以受教其何能自致於

士遇不幸者何限賴良子孫出而昭雪之其功名卒顯 得列史官而著於來世此某之所大痛深懼者也自括 豺狸在後而相追聞人疾呼暴走即震魄駭膽周章四 髮以來心遑遑不知所依居則忽忽如有遺行道常若 何矣雖絕食東向死先人墓下亦徒然耳古之賢人哲 則叶號而避之非虚語也當自思念先人已矣不可奈 顧見持捉當道者軟驚懼汗出何者傷 弓之鳥見曲枝 不幸至此乃徒以為善守法以陷罪過又官小事機不

六百里從太史公於金華雖流俗訾笑以為迂而某行 於書傳世多有之某雖不才豈遂已也哉鄙陋之志誠 其所志在道德故言之所宣者此也躬之所蹈者此也 之不顧者也某在金華六歲矣日有所進而月有所獲 緒求聖賢君子之用心而委身馬是以祥禪未終超五 知其可勉思得名世之士而依之以究道德性命之端 人或見其云云者而勉譽之某弗以為是也古之君子

大臣日日とい

推之於政事者此也形之於文辭者亦此也惟其所務

避志齊集

金罗巴匠 台重 有能勝天者亦有能勝人者爵禄俗之所稱嗣 者其在天子其在人子竭國 者大故接其言貌則可法政事文辭可傳於後天下從 久則故態百出人見則駭走矣是豈足為學哉某誠知 伶優被來秉主習堯禹之貌其外則幾似矣而不能久 而效之非若後之文人者比也彼竊取於章句者譬之 不敢自怠不敢自足亦安敢自期其能至哉其不足至 彼庸人者每以得失為喜戚而豪傑之士起而著 固

於來世匪爵禄而貴者此真貴也周之顏関漢之郭黃 希此當復不恨況事變之來未有極乎雖然殆未易及! 知所依歸宋之周子邵子其人或未皆有一命之爵或 非薄豈足承斯道而顯楊先人哉是以持自少之心不 也此數子者皆資質智之才故卒能有立於世某閣分 亦有享萬鍾之福而磨減無稱者貴賤果何如哉使得 唇在下位奔走而聲光炯然如日月斯何以致之哉世 敢決其可否當請太史公銘之墓矣世之號能文者亦 Į 遊も新集

とううえ ノンド

皆當有所論述者矣惟執事實先人之友必有以慰先 迫於誣構無須臾之間是以心雖不能暫忘而未能奉 相過近者至郡城去執事為未速謂足以償私願矣又 贈以文辭假諸古之君子而望以賢者之道既而執事 頃以先人之故獲接緒言於執事執事蓋有意於開之 以官滿去某亦以先人歸欲繼有請而各以事維無由 人於地下而塞諸孤之望 與潘擇可先生 卷】

感不能自勝然後知君子之量出於恒情非妄意所及 事不惟不即棄絕且因士友賜之書上見先人交與之 **蓰也於德則前進也於分則與先人仕同時也若某之** 使尊之者無過受斯名者無愧而後可執事於年則倍 義下嘉其所守而撫存之意氣関関加於畴昔且慚且 非尊而尊之過也非稱而受之愧也故君子之於名父 也然寫有疑馬交際之崇甲稱號之輕重固有常禮矣 書道曠缺謝不敏此宜得過於長者無惑也令也執 進志新法

僕自京師歸潛伏與密不與世人往來於有聲勢者尤 執事始欲開晚之者殆不若是是以重有說馬不宣 某安所容乎茍然而不發非惟非某有請於執事之意 以所不及而嘉之不遇以後進小子之禮而過稱之則 心之厚不敢受而居也執事言行為學者視效不督教 之稱馬於禮得無不相似乎此其為愧也甚大雖感盛 少且愚字之已過矣於字加稱號馬於稱號加以先生 **欽定四庫全書** 荅林公輔 卷九月 1

棄官代父軍役旋即家思復其章綬行益脩文益峻聲 懒作書疏由是平生故人如足下者例成疏濶瑄上人 譽益隆此固問里所望者然僕私願於足下則不止此 心之大方苟馬以釣名取寵騰陳言記成說則考以為 及同姓九成回再承寄至書撫問稠疊厚甚且知足下 不喜見兼以疾種彌年氣力羸憊未當妄出戶限又素 知經撫拾賽補稍旁句讀則自負以為能文風俗既成 百餘年來士大夫學術早陋駁雜不復知聖賢成已正

欠己可良 とこう

避志衛集

一時而求可以共進於斯道者舎足下將安望哉往年在 欽之官北方足下之京師廷壁元来各奔走於儀寒而 為吾輩講習之樂當自此始豈知數年之間葉公死伯 志力不强疾病侵加朋友衰散獨行而莫為之徒空言 郡城中相與往復論議甚壯四顧坐席皆一時之英以 而無誰與和不能有所建明之慚可見於此矣於是之 復前聖之朝使古人之大全復章徹於天下質弱器陋 眾咸趨之而不可制僕誠戅縣無似亦欲掃末流之弊

金万四月石書

愈為嗟夫使吾至此而不獲與聞斯道者熟非天耶而 僕復恨假與樵夫野人為伍年齒益加志願愈乖困窮 吾尚何怨乎所可恃者與足下皆未老制於人而不得 將有益於後來然則吾之自處者豈不裕而望於足下 同志馬垂之百世之後有知已馬一其心而定其志遠 有所可望求諸千載之上有師友馬放諸四海之內有 為者吾莫如之何由乎我而人莫之制者勉而終業光 其期而後其獲不有得於人將有得於天不有取於今

欠こりる ここう

遊志齊集

公亦未足道而况不及萬萬哉近來絕不喜執筆看古 韓歐相部時聞其言心亦自喜今而思之使果如前諸 者夫豈薄也哉寄示諸文已詳讀之求之輩流可謂特 人文辭多不當意不知病昏而然耶抑有以也今年當 所聞而迷懵至此哉前時好作文字韵子動飘以班馬 故無日進之陷耳使日有人攻擊吾之過關寧不早有 出而有餘矣然吾猶願足下以古人自鑑而裁其高下 勿為諂妄小生所越僕輩之不及古人正以好諂自盈

金分四月子言

患瘡鴉殊無意思欲與足下言者滿膺臨紙都忘却僅 古道於今之世雖得崇位不置毫髮於心於校師乎何 忠盡以立事功有服時寄書以警發固陋不宣 發一二聞周君顧君皆安甚慰當國家任賢之時各勉 里長適值海濱築城之役三夫一抽衆務縣然病餘復 有而僕喜者非為足下蓋喜斯道之有助鄉學之未絕 希魯來知足下已就校師甚以為喜足下行方志果樂 與士脩二首

次已四重人等

Į.

遊志衛集

푯

弗傳後死者之責也故竊欲有所紀述而聞見淺狭不 人而今乃泯泯蓋不幸其子孫不能守遂至湮滅而後 載國史小者亦皆自有論者在當世莫不烤然驚動於 能悉其事常態態為人言之茍且者多有志好古者必 生之識其姓名者未甚衆豈非可惜哉僕以為前人之 羅適先生至今且四百年奇偉之士不為鮮矣其大者 古志義宏大而名不立者何限蓋莫為之繼也吾鄉自 也學術之盛衰非有述馬則不明非有繼馬則不傳自

金グじん とこう

其實則以示僕甚雖文采不足希古作者然使執筆從 坐召而問馬取其所著者而觀馬從其子孫而徵馬得 鬱而莫之達久而不報也固宜今足下為人師從遊者 曾致書足下時足下窮居無異於僕言發而莫之從意 卒未有知而和之者以為宜然者獨足下耳是以往者 足下後豈皆不及近代之士乎勒成一書藏之學官件 皆邑之秀民秀民多於里黨習知而熟稱者也足下試

大巴田草 在時

•

避志齋集

人人有所致法知古先之賢哲益思脩已治人之道其

然僕於庸聚人苟有所求皆不敢拒而亟界之豈於足 臨否 惟以文解自見於世亦所以不朽矣僕新自發歸粗有 金牙口及人言 侍奉之離然與朋友相遠殊問悱不自勝閒服能一見 耳令即得位亦未易行况足下不以貴賤動心者足下 功用甚大足下毋辭且讓為也古人不茍著書真行道 下而有所惜邪顧謂凡物處美惡之間者必待人言而 辱書重以詩集序見屬意若罪其通緩者此誠足罪也

於辭乎斯僕所以久而未作者以足下自足取信於世 實矣尚又從數數然噪於其側指於人以為實不亦費 後定足下之詩辟之夜光焰栗委之道上亦知其為可 者非能真知斯文之足取也眩於好譽者之云而不自 有取於無能之言何所取之異耶雖然世之有求於僕 而然耳非果有所惜也今足下乃不以至美自居而若 稱於人者相望而能言者無幾人能言而知人之言者 知耳天下之好文章者比肩而知言者無幾人以斯文 というし ここう 避忘密集

足下是也然則足下雖無待於僕僕固將卒言之而况 |多页四月全書 周宗傳家人從金陵還與聞士淵傾背不知曾有實耗 復我無徒罪其遲而幸其得也 懸然屬之乎僕之狂言今且出矣足下誠知言當有以 命也夫每與廷壁左民輩言及報相對數息第事繁未 過邑中為別承顧語追送令人不忘至此以疾未能出 否當今斯文寥寥心之所屬政在此君而竟此於兹其 寄士脩脩德

耳便中無惜示數字揮汗奉狀伏真鑒亮 得往問其家幸道此情也鄙事未知如何惟聽之於天 **苔陳元采即王元采**

賢之堂序而為庸衆之趙也果矣足下不見鄙棄望之 專久而無所自得泛泛然與流俗同波其不足以及聖 僕智微才为不自料其無似而惟吾道之學學之不能

僕者孰有甚於足下者乎僕當恨世之朋友不察鄙陋

人口可見 人工手

4

避志辭集

以古人之事稱其所至而勉其所未能嗟乎天下之愛

周公孔子之典禮政教亦宜損益折表施於今而澤子 者身日由之而其精微曲折之際不能盡也二帝三王 養也事變之臨乎前而不知所以應也是非得失成敗 古之君子者豈特此乎德不知所以脩也氣不知所以 容忧聞之慚恐憤悶獨自悲數安得直諒之士以振吾 過哉今乃於足下而有得馬為賜厚矣雖然僕之不逮 為學之私志而徒取其外之文競為諛言相傳導以為 可否見於古而著於今者不能辯也天經人紀之當行

一多 页 四 月 全 書

毫而易消難致者未之能擇也與天地同運與寒暑日 若是者足下尚其有以教我哉嗟乎今天下之人愛我 月並行而不息者古之聖賢或得之以自樂或推之以 後者未之講也義利之交公私之分理欲之辯禁如絲 てきずえ ノニー 人之學不徒期我以古人之學而又發我以學古人之 如足下者誠鮮矣不望我以令人之所能而望我以古 之非慎奮激如暗者之欲言痿者之思起而不可遂也 及人而未之有見也冥然守其愚塊然莫與徒每一思 速む新保

方足下之意信厚矣而僕何足以承之雖然蓋有學馬 越以乔先聖賢之訓天實臨之足下實棄絕之雖然足 否乎足下有所聞有所得當以告我僕亦圖可以為益 其端而患學之未至時之不逮踰一二年或可以寮過 不勉凡智之所可及力之所可為者惟道是視有或顛 而不至者矣未有至而不由乎學者也僕雖疲爲其敢 而悔生作乎躬而愧發者日相屬也時時治察求銷絕 下之教我者寧止若斯而己乎僕之過亦多矣出乎口

巻; 九;

聞其幼弟亦亡重可哀也望為慰其尊祖諸文為廷振 為者更示數首甚善葉廷振之亡衰經中不能住吊又 尤雅潔深婉有法然應世之求不足發抒奇思有得而 者以報厚賜不敢忘也所寄二篇之文皆非尚作後篇 為失首言刻諸墓上後謂銘諸墓始終為不相應其意 銘前不叙其鄉里及其父祖名行復不書其卒奠日月 **光謂其父人知其名不光書卒葵他文解可互見故然** 而作者楚語為佳公輔銘雖傷率易然不害為好也但 遊お野果 <u>}</u>

别久得書聞已應像居之辟為邑人師士子向服從游 本於疎薄所致耳此我輩通惠也不論文甚久以足下 相爱不覺多言 立論甚有可喜者但理趣易窮不建古人涵蓄深遠乃 令人知此言出於僕也公輔才氣俊邁未易及之鳖空 語亦未醇宜稍為更定恃與相知故一言之然亦不須 雖古人有如此者亦用言之否則世久憑漫不知其為 何時之人何人之子也如刻石未成中斷獨障在瀾等

基九

見遠甚尉喜無量吾兄年在僕先問學日有所益固鄙 多君子寄來文章又皆敷膽紆餘有作者風過前時所 心所敬畏者來書猥自卑下每發求教之謙言內視愧 恐誠不足當况僕近年為疾疾所迫懼一旦溘死終無

大包里在

為矣衆人不之察往往以此事相督責無以應之則忿

且怒不知人亦何用乎此也使誠有志乎學則聖賢之 遊志衛集

之具朋友交相與引以為可喜者非惟不服為亦不復

所聞愈思刊落華藻以求身心之實病向時悅人取譽

矣何处擾擾乎於僕之問也古人之相問告以道而不 經成法具存放而行之無不可至吾徒雖巧為說解亦 義利之辯端居而思之念慮之與一日之間出於義與 以文令人舉異乎是僕私自試入道之路莫切於公私 出耳幸吾兄明告之如憲直必欲得之則求之吾兄足 不足希其毫末棄彼不師而惟吾徒之求不亦異乎吾 久矣僕誠無愛乎吾言懼其無益於憲直故處而不敢 兄所稱陳憲直僕已知其為人其所求做齊之文間之

金厂口厂

基九

思邪僕前日病而問諸醫醫曰未病可治也既病而醫 本心汨於私與利而無以自克也吾徒其可去是而不 者以其公之至義之盡也愚不肖者之不能有為以其 子之克己孟子之擴充四端皆是理也聖人所以為盛 於家而欲府藏之盈鳥可得乎堯舜人心道心之訓孔 去僕愈遠者又可知也舎此不治而欲為學是猶縱盜 公者雖多出於利與私者亦不少則不逮僕者可知也

次足の更な時

何益始甚怒之既而思其言蓋以醫為調者是以樂以 遊志解集

在金華時日接當世名人說論恒見所未見悟所未知 醫者也吾兄非病者蓋治人之病者也今之病者莫甚 金少口匠人可 役皆散去兀然獨居無可屬筆者自作報書 於好利而自私宜乎僕之以斯言告也近作易枝群未 此告吾兄天下之不病者幾人病而求醫者復幾人醫 能成書又無人爲寫不果奉上從吾遊者造圖築城之 而肯以情告人者復有幾哉僕非能醫者蓋病而後知 與王脩德八首 卷九

懲創以為成人之歸日讀古書數卷與目深念極首備 舎獨行心憶古聖賢君子道街功業之盛愧交於心若 幸矣何能有所發明哉每自嘆閔恐遂委頓不復振奮 達離獨處用伏無人之境所與往來者皆問里同輩僕 狀情趣自覺大異於衆人蓋非為忧名譽而言然也自 孳孳窮日求以達之尚快然有得著於文辭美惡可否 口時有所云彼尚未盡通鮮沉著之於書不感且笑則 報有能辯而正之者心誠樂之客寓數年不內而肥姿

欽定四庫全書

送龙衛集

真見可敬畏者當今天下學者雖不多然如僕之陋怯 曾何足數而足下亟稱之何足下取於僕之微也學者 識高而學古託知之日久不宜泛比聚人茍為稱說而 無所容其躬流俗不察很見引譽以為有文學知古今 已近两辱書皆未聞箴戒攻規之益而惟妄相推獎若 設言盈耳麥解滿篋彼之意望於僕則厚矣其如古人 之患莫甚於自小其天自小其天者為小人善於其所 何哉若此者以為知固不可以為相愛尤不可也足下

賢之体光下無以輔民庶於治平小其天也亦甚矣不 為君伊尹周公以是為臣孔子孟軻以是而立德垂訓 者亦欲全其所受於天者舉而措之於用非止若今之 於萬世而吾乃以是而為末技淺智之資上無以贊聖 為者為大人天與我者若是乎其大也二帝三王以是 所能而已也足下不責我以所未至而妄推我是棄我 亦深可悲乎僕雖愚不才其所汲汲於旦暮而不敢息 以為不足進於道豈相知與相愛之心哉然世之欲效

|欽定四庫全書 |

是九 解集

籍二書之所議可謂直矣而及獲故護自謂無害於道 忠者常恐人之拒而不納非惟君臣朋友亦然僕自度 乎韓子好論道而未足以知道者以其過於自信而昧 好無實之該而罪張籍為同浴而機裸程夫昔雖同浴 非拒人者當竊怪韓子以斯道自任而不能受善言張 於從善也夫韓子之賢千載不能數人從善不果猶能 可用吾知用其言而已何光追較其昔日為此而不聽 而今能識之則是已悟昔日之非而善改過者也其言

得僕之闕則以告我使繇是而獲聞君子之道相與詠 累於德况不若韓子者其可不取諸人乎以僕才質固 意家叔在彼比有報令一子弟來侍僕欲親作一行家 聞令兄贵德入京不敢奉紀善先生書家書中幸為道 歌質難樂所得於空開寂寞之區豈非天下之一快哉 貧歲歉未能即動令先附一書煩貴徳兄送達以慰望 不敢妄論韓子然聽言樂善則自謂過之足下幸察馬 者之心幸以鄉里之義得使必到是所願也處此世值

|大三日日人は

7

遊志衛集

有試者且易得不費又樂性皆平和服之當有効所言 幸歎斯世之不獲有斯人而恐其泯滅無傳足下於親 好之情江窑人至承惠書及詩情辭深切悼斯人之不 與足下別後三遇期功之喪入夏來得鄉下疾近又患 此事變每思古人報用慨然士脩疾比稍減否此方當 錐已久而未獲走望殯悼宣一哀於亡友以致遊處相 痔悲憂呻吟忽忽無聊於旦夕之間是以聞吾許君卒 綱目義例尋未入手尋得即寄上

予聖賢之庭戶而天處奪之不知天者竟若何壽考富 或乗氣舞智以為通或苟冒無耻以為能或逞其纖毫 僕始見許君以為尚可多得及行天下遇四方士大夫 愛之義厚矣然許君之淳明脩潔微足下其誰不傷之 之技以夸世自足求一二於千百而不可致然後知許 文者道所不能無而非所以為道也僕深厭之深病之 君為難得也士不知道蓋久世所推仰者惟在乎文章 每抵許君未當不有以發我意其可以共論此事以進

欠三日巨人LLAT

避志衛集

龙

貴常不惜施諸鄙夫庸人而恒與豪傑之士競此果何 金河山屋 有書 去而不顧耶然天下之生不可勝計而古之傳世者未 者取於造物過多故天有所不能支而自拔絕摧踣之 者不贵於後天於當時者不壽於萬世子以今觀今未 必皆壽考富貴之人也是則安知世之所貴者非後 理哉得非衆人取於造物者少故其生成也易所受大 之所賤令之壽者非後人之所謂天乎馬知賤於今日 耶抑天賦之者清明高朗人世隘濁不足以養之故棄

喜而殊淺迫無深厚之趣使之獨立無知己者未必若 士之不可無友也如此今許君之可敬而畏者人未必 不以韓子故哉蘇子瞻奇秦少游近借得其集雖有可 馴非名世者比也而令人凡讀書者莫不知尊二子豈 稱之詹文未能脫俳諧之習觀頗振激欲立論亦不雅 自致乎蓋有因人而愈章者李觀歐陽詹之文韓子亟 今之赫赫大著也匪特文辭為纸雖有道之士亦有然者 遊志翰集

足知之以令視古則知之矣且古之傳者足下以為皆

一 銀 立 正 库 全 書 是勉僕夫何期待之過乎僕十五六時即妄志乎斯道 識之所識者乃其詩耳而亦未必識其真也况固有不 而不傳當世君子之耻也僕竊望於足下而足下顧以 知其能詩者乎知與否於許君無損益有士馬如許君 之不能合一 既絕次不能抉幽探微明天人性命之與以詔來世下 上不能出才知建太平之策康斯民於無窮續周統於 以聖賢行業為可效而至今十餘年矣湛沒流俗之中 鄉一邑使問里稱愿人秉介抱拙動與世 卷〕九、

譽其美不以許君勵僕而倮僕昭揚許君之行何敢當 **垂内自思忖茫然無尺寸之長足下不有以教我而猥** 其愚孜孜不懈使足下之道光被於人則僕且將依附 其傳而人自傳之足下姑修所學孜孜不懈僕亦顧竭 也雖然有意於傳世者多不之傳而有益於世者不求 J. 5 .. J. 稿想偏覽之有謬誤處幸以語及僕有所知當不敢隱 惜其混雜無叙又多清偽欲為定次之多病未果舊文 永耀以昭於後何患許君之不傳子禮記且少留僕當 **违芯解**

亦交相為益之道也不宣 飽食無毫髮及物之益妄不自度欲蒐輯色里遺事成 亦蕭然有出塵之韻諷詠累日喜不自勝某向以安居 偶然哉其事足傳矣其辭不能發之則不可傳其辭典 非敢妄竊褒貶之柄而冀其傳也夫古人之傳世者豈 伴後生小子有所慕而為善蓋舉古問師黨正之職爾 承寄示古賦及雜詩數篇賦寓意深速得楚人音節詩 小書上以昭揚賢士君子之潜德下以為勘於將來

ፊ定匹库 全書

不之信今縱使有卓然宏偉可喜之績付之無聞之人 事稱矣作者之道德言行不足取信於世則雖傳而人 著以不聞之解亦恐其卒歸于泯墜而况者舊淪丧之 於無窮馬可冀乎是以當為吾兄言其故而久未成書 餘聞其名者不知其事言其事者莫考其實而欲取信 顯者欲析而二之則其跡雖有隱顯之殊而其志行學 者此也忠節好友篤行之人既各為之傳其他文學貴 桁初不相遠以仕者為官達既非所以尊之俱目之曰

|飲定四庫全書

选志齊集

是庶乎不失其序而無抑揚去取之嫌若夫治邑之大 達列傳但以時世分先後而不以仕否為重輕竊意如 儒林則亦有以政事稱者今不敢僭為區別通謂之先 所傳聞往時紀土風者俱棄而不録今亦無所徵而為 夫其有惠政及民如陳長官胡汲仲亦不可使其遗事 之立傳使其人皆若洪忠宣者縣是而興處顯位立名 口者皆得附見馬然宋數百年歷賢令还多美世絕無 日就忘失今為立良吏篇以處之凡名姓稱於吏民之

喜以新奇亂事實如君家太常固未免此近訪得太常 績於天下固不待此而傳若不幸官僅止此疲其心思 數公不知曾得其事狀否第宋末為文者矯陳腐之過 智力斬一間於來世而又不可得豈非可恨哉前所問

學者至為淺事以道言之正不光求其新奇惟發人所 其所居為何職所行為何事惟視之太息而已文之為 及鄭龍圖墓銘至於官位亦以他名易之讀之殊不晓 文豈以此等新奇為好哉真不識其何說也夫文解於

飲定四庫全書 一一班法衛集

少時狂謬所好所業者不過記誦文解而記誦不能博 之奇如孔子之大傳有聖人以來未之有也子思之中 未當言之理則可謂之新非衆人思慮之所及則可謂 夫外道德以為文辭者皆聖賢之所棄者也近時自悼 務為新奇哉其道明其德盛其言不得不高且美耳故 未之有也以其古所未有謂之新奇或可也然聖賢豈 書張程之西銘易傳以至朱子之所論著有經說以來 庸孟子之七篇有諸子以来未之有也周子之太極通

自得之味思一屏絶之而以顏曾所以自治者治其心 吾兄前書有學無端緒之數甚見進學之為近世之淺 盎中與蚊蚋俱盡而不知天地日月之為大深可懼也 文辭不能工則又僅得其最陋者以是空言爱多絕無 人書法未能遣辭已呼蘇子瞻為阿軾欲毀棄其文於 為日稍久覺向時過闕愈衆苟不早悟其非幾老死魔 孔孟之書未管詳讀旬日己指程朱就經之誤紛然辯 陋者正坐易足而自高耳未能執筆已斥顏柳不知晉

碰志衛集

賢所言之要自當知其本末也鄉里質美者不為少但 言凡在此者亦皆知所向方但未知終竟如何耳近鮑 多定四库全書 林嘉猷在此静寫可喜不欲其專意為文辭當痛與之 無窮不為吾兄發之則無所發矣然不能詳暑道一 深以之為戒求古人崇大之域而趨馬可也所欲言者 駁不自愧耻此其人豈復知有天地日月也哉吾輩當 不喜學故無錄與之言使得數十輩錯布一色豈非差 民略來其為人有意於學俾且讀四書以端其本知聖

卷;

鸱黄獨不足適口然或有無味之味也久不執筆不復 志曾修得事略九篇惟鹽算魚課未知其數兵稍連年 尚留未到海上頗附渴思此公徵文致吾兄及文遇之 欲違其請别後即行非及造宅請見為恨耳孟清來聞 前者道邑中避追得侍坐殊出意外第以僕輩欲歸不 成字聊發一笑 事耶有雜詩數首書遺嘉猷風味出所寄茅栗下如蹲 意甚切解之不可信筆作一序答其意幸視而正之邑

大いりき しょう

•

逃志府集

今皆不見其後人言其遺事令人慨然望一一遇可語 問之諸人傳分忠義孝友篤行貞節四品皆起首矣有 數目當問之兵房識文案者倘耳目所及有可問者煩 南樗園愚可學可兄弟及應伯章諸公皆當時有名士 者問其詳相報富貴而磨減者不足道若前數公用心 宿索之同姓前田有詩名不知有子姓事實否他若山 行狀否銘文晦滥球畧不足考其本末雲壑事問两者 可入者須示及縣先達尤卓卓者公家瓦全墓銘外有

卷;

書奉令兄先生如有便人再煩致意張君也 故特奉告不知重到邑時尚未行否張生想已去欲作 期望與世懸絕矣使其同歸於泯沒豈非吾人之責耶 當侯後便耳韓柳文裝號甚整潔感荷禮記尚欲看續 丧入夏來患帶下疾近又為痔所苦欲一往莫哭以寫 悼觀樂生詩覽之慨歎無已僕在衰經中屢遭期功之 別久承書具審侍奉多暇文候安適豈勝慰院又得示 此懷竟未能遂祭文作已久便中人忽索書弗及録去

次已四年在馬

避志齊集

¥+0

當為書去嘉猷之尊君已姓不及誌令為作一墓表伊 草一書千餘言粗發所懷人行速未能謹寫先此奉復 過學業不見次第心甚愧之有欲言者無情見教昨卧 當奉納聞令兄先生常有書不知近已遠燕否歲月易 桕燭之惠政濟所之短晷可繼餘光及我者多矣先令 兄進德近為草得一傳頗自謂無愧辭望界一紙寄下 昨承寄示同宿詩諷咏累日宛如接對甚慰懸渴聞有 一日前戲成詩欲寄令就附上不宣

金公口人人一人

揭之墓上亦可令界紙來皆在千字左右字少紙餘却 忘令兄先生之前有小書一編奉上山人處士之言可 欲往敝親家士友如嘉猷輩欲見者不光屈臨以書達 無妨趙伯欽書今附去所得書云何亦可見示否獻歲 為孟子敬王者設慎無令人知此書出於僕也切叩切 賤疾不止又無 肩與無繇執手為別此情快快無時可 所欲言足矣便中覵縷勿罪幸甚

欠こうる いよう

叩數千里之別無可為贈深以為愧途中得服幸數附 避志虧集

士五

書以慰懸堂 銀灰四库全書 答上清張真人 卷九

僕少時聞漢天師之休風悚然驚數思見其子孫以考

委祉之所在及冠遊京師東南之士往往傳至文辭翰 墨僕一見軋識之日此非超乎埃須之表遺世特立而

與造化為伍者不能至也固己髣髴執事之為人數年

之前在京邱周賛禮孟啓持所畫便面致雅意徵鄙文

若識以為可語者追惟風昔之心因不辭而為之然所

言笑於神明之庭廣莫之野不知其相去數千里之遠 去年所枉書叙述畴昔辭意閱眇且喻以所存展誦反 習殊業所趨異致自愧不足有所發明天台人來忽辱 矯厲以反本真如執事者非萬世之姿何足以臻此哉 至漢而與然其意亦與厥初大異矣况至于今又千載 也僕曾私悼世降祈離言道德者咸失其宗老子之教 覆窈然如聆鸞鳳之音爛然如親慶雲之輝肅然如接 其變遷盛衰之端可勝道那於此而能獨覺其意奮乎

とこうき ここう

4

遊志齊集

され

昔之所期今乃果合所得者多矣第僕資器汙陋厄於 金定四月全書 者無由奉見徒有傾向而已 多病間道之日甚淺無由致身崇高殊特之境以承緒 遜志齊集卷九 風然執事方疑攝虚静以久視斯世而僕年 失計未晚也春和道體何如山中多萬人隱 者他日或遂避追握手相目各語所聞以